

穆

堂

別

稿

編次姓氏

會稽魯曾煜

秋墜

錢塘桑調元

敬甫

全州龐嶼

大埔楊纘緒

紫川

烏程嚴遂成

崧瞻

仁和蔣祝

省齋

會稽胡

凌希張

仁和蔣大成

展亭

山陰羅

儀二峯

歙縣吳煒

南溪

江寧萬世寧

桐鄉金弘勳

遜堂

直隸梁

勛敏齋

成都李

畝叔南

仁和張大宗

晴聖

仁和方肯堂

升矣

江山王錦寔

瑞章

夢堂別稿目錄

卷之一

賦六篇

頌一篇

卷之二

後南浮草上古今體詩四十五首

卷之三

後南浮草下古今體詩五十六首

卷之四

春風草補編古今體詩四十六首

楚游草補編古今體詩七首

吳征草補編古今體詩二十四首

卷之五

秋山草補編古今體詩二十九首

螺川草補編古今體詩十四首

公車草補編古今體詩十八首

南歸草補編古今體詩二十一首

卷之六

瀛洲亭草補編古今體詩八十首

卷之七

望雲草補編古今體詩四十七首

南浮草補編古今體詩四十八首

觀湖草補編古今體詩二十八首

卷之八

河上草補編古今體詩四十八首

紫藤軒草補編古今體詩十九首

東園草補編古今體詩九首

雜體詩二十八首

卷之九

說五首

考十一首

辨一首

卷之十

論四首

贊十一首

銘二首

卷之十一

墓誌銘四首

墓表一首

卷之十二

記九首

卷之十三

萬壽圖記

卷之十四

雲南驛程記上

卷之十五

雲南驛程記下

卷之十六

記二首

卷之十七

漕行日記

卷之十八

漕行日記二

卷之十九

漕行日記三

卷之二十

漕行日記四一

卷之二十一

廣西二兵記上

卷之二十二

廣西二兵記中

卷之二十三

廣西二兵記下

卷之二十四

序十二首

卷之二十五

序十三首

卷之二十六

序八首

卷之二十七

序二十二首

卷之二十八

傳一首

卷之二十九

傳六首

卷之三十一

疏八首

卷之三十二

疏十二首

卷之三十三

劄子二十首

卷之三十四

劄子十三首

卷之三十五

書七首

卷之三十五

書十一首

卷之三十六

書二首

卷之三十七

書六首

卷之三十八

擬詔一首

試策十一首

策問二首

卷之三十九

題跋五首

卷之四十

題跋六首

卷之四十一

題跋六首

卷之四十二

四六文二十首

卷之四十三

四六文二十六首

卷之四十四

論文四十條

文禁八條

卷之四十五

文移七首

卷之四十六

檄文十三首

卷之四十七

檄文十一首

卷之四十八

告諭十首

卷之四十九

凡例二首

條約二首

事宜三首

卷之五十

行述四首

祭文三首

濂溪攷

穆堂別稿卷之一

臨川 李紱 巨來

賦六頌一

適志園賦

有序

適志園故名石芝園有石似芝因以名園蓋侍講李石
臺先生舊居前荒地稍繚以垣雜植花木小屋十數楹
耳侍講再傳家洛乃歸于余旋以督撫任內分貽屬吏
虧項籍入于官

今上登極恩命給還內憂小祥暫往居之而石芝已失因改
今名漫爲之賦

余性嗜夫山水余志甘乎澹泊豈志與性之相違蓋才
疎而力弱出焉而要津不能據處焉而美利不能援既
早困于連蹇竟長守乎寂寞烏能搆嶄巖于平地引清
澗于畧約恒夢想乎輿曠每喪衷乎川嶽惟隨竟之所
遭抑因人之所作卽事而多所欣觀物而皆可樂庶無
意乎固我亦何心于適莫少聞郡城之間乃有石芝之
園蓋宗人之先達旣宦成而投閒近居而爲別業因石
以題其顏石有三秀之形謝雕鐫于天然蟠雲霞之五
色挺蘭蕙以雙穿子未嘗覩之也僅初得于聞傳偶春
秋之代謝忽陵谷其變遷感有逢與季煎實相因如循

環維兒曹之不度破微值而購梅甫逡巡而折券遽倉
皇而入官疑室美而人粹羌玩物而志昏遂流轉爲傳
舍恣雜選之遊觀屢寓人于我室毀薪木其疇憐值

新皇之御極仰飛龍之在天沛解澤于寰宇蘇旣枯于原田
驚珠還乎合浦慶璧反于盤飧嗒我憂居之跡踰小祥
而怵惕屬有修學之圖來處

賜環之宅遙而望焉頽垣脫甍入而窺焉牖欹戶佚池竭而
黏萍徑荒而薦棘遑日涉以成趣稍顧名以求質芝輪
困其安在石有時而自泐疑值商顏之採或化初平之
叱慚不觝以名觝笑白馬之非白間執或者之口宜改

當年之額敢非薄乎前賢戒厲貞乎舊德偶感憶專之
興聊謝竊芝之客困羈宦于卅載幸素志之一適維適
志與石芝聲相同而奚擇生無采真之興老習懷安之
癖况此園之僻左實與我而相宜負香楠以爲辰撫桐
林以爲楣山前聳而後峙中盤谷以間之沼澄可以鑑
泉積可以池亭孤峙于中泚澗曲循乎前墀芙蓉猶列
乎四面楊柳且飄以萬絲海棠安榴繡毳薔薇紫荆棠
棣茶蘼辛夷掩映而迭出旁唐而紛披梅駢實而同心
桂連理以交枝綠蔭餘龍門之桐紫艷擬青城之梨木
仄匪報桃李成蹊竹借綠垣之外樓當堂事之西靜對

則清陰不極登臨而煙景無倪循蕉廊而迴顧撫硯山
而倒窺積我書之萬卷覽彼境于四時其東有寅賓之
荒榭其後則寢寢之深閨挺滇池之寶樹列燕山之木
犀有孤雲一片石亦髣髴乎靈芝惟舊物之既失欲光
復而無期茲卽目之所有皆我心之所怡雖柱細如椽
壁朽以泥老豈懼其速朽貧不厭乎卑棲固豪家所不
屑豈拙宦所能爲藉賢宗之往蹟感

聖恩以來歸易石芝爲適志奉季鷹以爲師苟餘生之未艾
將朝夕而于斯理著述之素業俛焉日有孳孳尤吾志
之所適蓋樂此而不疲尙儻是而粥是此外蓋匪吾之

所知

浮玉巖賦

原夫質厚氣清陰降陽升語夫尋常造化惟一定之理
窮其神變山川有不測之情固知玉之爲珍山輝而未
必川媚豈意水之爲物舉重而忽然若輕大地在瀛海
之中水誠可以載土美玉韞璞石之內去膚乃以見精
嵌空玲瓏已擅巖居之勝淪漣碎泮仍兼川觀之明浮
玉巖者華蓋名區豫章奧宅金支翠葆神仙之所往來
木食草衣古德于焉棲息實緣山水之奇見賞文章之
伯煙雲變幻金山玉海爭呈雨露精華瑤草琪花並植

望懸崖之古木倒連綠浪之中俯近渚之繁葩爛熳清
波之側陸居無屋一邱一壑其可懷水居無船五嶽五
湖其可卽晴絲縹緲釣竿欲拂珊瑚介守堅貞蠟屐長
依寶石品題者旣墨妙而筆精攬勝者亦煙馳而霧驛
當其以游以泳載沉載浮若方壺與員嶠擬海而與蜃
樓以爲玉耶貢豈酒濱之磬以爲巖也奇爭海上之洲
泛鶴羽以爲船惟飛仙而可渡採明珠以爲佩應必女
之來遊上已乘蘭流羽觴之穆穆端陽競渡圖畫艇之
鯨鯨斯巖上下泛鳧沒鷗鎮靜不驚屹若中流之底去
留何意翩如不繫之舟蓋惟天不愛道地不愛寶河圖

出而洛書呈嶽貢修而川珍效深山巖勝亦見採于韞
軒僻壤玉浮亦游登于廊廟矧夫負具瞻之望高已埒
于南山抱濟川之才遠足遊于鳳沼其爲玉也疑萬鑑
之爲多其爲浮也覺萬斛之猶少登高而作敢云一鳴
以驚人計借以充尙擬萬言而應

詔也哉

五六天地之中合賦

原夫數根于理理乘乎氣數得理而益明理言氣而乃
備在天成象晦明變化以因時在地成形曲直方圓而
制器惟人靈于萬物故得數之大全惟人具乎眾理故

成性而最貴引商切羽而迭王者惟宮辨色別聲而養
生者惟味伊時行而物生亦陽施而陰閉歌咏其聲舞
動其容陶以禮者必淑以樂春作夏長秋斂冬藏本乎
仁者卽祖乎義蓋言理而數行乎其中言數而氣卽在
乎是粵攷鴻濛之始太繫之初萬象渾涵孰窺其朕兆
百昌旣達乃識其分殊一爲數之最先胚胎肇啟十爲
數之究竟煦嫗昭蘇一三七九之間五爲宗主二四八
十之會六統權輿天數之中惟五地數之中惟六各一
中也而判乎太極地以上行爲順天以下濟爲美惟其
合也而運乎太虛六者維何氣無其跡陽爲氣主蠶者

因以跛行陰爲氣歸動者爲之喙息風則萍翳縹緲起
蘋末而決土囊雨則黑蜺鶩騰濟大旱而解沛澤方其
晦也君子以之寡居比其明也庶事因而勵異網組布
濩本于一而無窮當位乘權分爲六而可識因來往爲
乘除測盈虛與消息于是天地交而物通上下交而志
同人生也直物生也蒙穉不可以不養故受之以需蒙
必養之以正乃起而有功正味孰知渾帶鼠子芻豢飲
食有禮分夕飧與朝饗春木夏火秋金冬水而黃帝之
宮維土木酸火苦金辛水鹹而稼穡之甘在中蓋六雖
地數而行于天則爲氣之達五雖天數而發于地則爲

味之冲所以聖人則焉作樂象德六律六呂之制已合
于十二辰之推五音五聲之分亦合乎甲五子之宅樂
之成也既清明象天而廣大象地樂之用也亦神人可
和而上下可格蓋六五之數中而生人之道得聲音以
通乎政誠遐邇之不遺威儀以定乎命亦進退而罔忒
燦矣鴻休懿乎淵默惟我

朝之制作經

列祖而乃成故雅樂之宣揚實兩間之可塞洪惟

皇上益光前則聲爲律而身爲度克臻美善之全措則正而
施則行大建中和之極奚必授圖五老徵歌八伯固剗

季子所未及陳亦洛下閎所莫能測匪徒配五協六奉
兩天之無私且將成五登三侯千聖而不惑

天數五曰一三五七九而五居中地數五曰二四六
八十而六居中故以五六爲天地之中數漢書律歷
志謂天有六氣地有五味爲人之所以生天六地
五故曰中合此題爲乾隆元年博學鴻詞科試題余
閒居無事卽于試日燈下爲此篇及山雞舞鏡詩黃
鍾爲萬事根本論夜分始就非見獵心喜也因此題
稍僻後進之士多來求其解義日中至暮答問甚疲
書此代答辭固質朴又余生平不喜數學故言我之

文恒不能工雖不工亦卒不學蓋謂天下事各以理斷何必言數數特六藝之一九數之法疇人計吏辨事之一術耳三才三極之理豈數所能統乎如劉康公謂人受天地之中以生自指理言豈五六之中也哉伊川程子謂與堯夫同巷二十年無所不談惟不談數意正如此顧應試之作常用原書本解故依漢書註敷陳成篇存諸別彙而附識數語覽者其無譏焉又考賦彙中亦有此題錄宋人賦一篇其解不甚分明其辭亦殊寂寞以此較彼則亦可存矣

自記

雪賦

已卯之秋疎雨不休寒風早戒于是稼多敗已而天根
既見嚴霜未肅烟煨暝雲變爲恒煥和露晝隕薄雨晚
零時復隱隱亂以雷聲靄乎餘春蔚然殘晴江梅爭麗
圃草微生日在星紀之次幾落階莫矣蓋薰籠未之或
御而水腹未嘗冰焉李生憂之以爲陽氣當潛藏之會
而輕動于采烈之期恐明年稽事之不良而災祲之無
時也是夜驟寒吹燈就臥猛風擊門透櫺而過飛霰稜
稜然猶欲雪而未果檐流有聲隨雨俱墮天明復雪午
遂大作

叫眾皆悅之李生爲和乃抽毫而賦焉

繁天公之玉戲實嘉種之精英秉大造之嚴氣居庶事

之休徵承胎無極之前含六陰而始生扶搖搏乎九霄
擎日月而裂眾星墮雲馳乎大野紛霽靈以縱橫朔氣
相播陰陽交爭以虛以嘶乃就厥形蒼蒼俯而自卑若
與人相接也擁鸞車以雙驅垂煙帷而四下混茫兮駸
六合其忽閉寥廓兮渾大塊而一視于是珠璣散落碎
袖交錯向虛而馳過實而却泠泠然霍霍然如笙竽之
交鳴縱縱乎錚錚乎若金鐵之相角已而變其奔驟出
以輕華乃布寬以濟猛亦先實而後花飄緇翱翔輕盈
游揚因萬類以賦形成斐然而成章亦橫亦斜可圓可
方既布野以矜大又委路以競長于于擾擾虛虛訛訛

亂兮如巾大兮如掌玉凌岩堯崑山讓高壁連吟隰藍
田羞廣雖遭逢之不一又趨舍其各殊或集于苑或集
于枯或處高以自潔或居下以自汗然而白氣橫壑素
光騰起洞矚層林曠觀千里虛空震動而呼號萬物當
之而披靡刺目鉢心魄駭神悸豈直浩然亦已奇矣乃
有棨戟將軍華堂公子搆銷金之寶帳據暖玉之靜几
團燒鳳凰疊然龍虎馬湏初温羊羔旣美臨寒光而澆
之謬自託於知已爾雖不受彼亦樂只亦有從軍之士
出戍之師高歌紫塞腸斷燕支傷關河之莽渺望隴水
之澌澌光連鎖甲寒折交旗朔雲不斷驚沙亂飛邠連

塞遠而烽絕紘于山寒而烏啼咽之成漿披之澗衣莫
不憤其眩目疾其感肌又有西宮姬娥東家靜女被酒
初醒驚寒乍起訝奇光于流蘇學虛明于翡翠燕龍腦
兮山爐簪辟寒兮華髻做嚴威而益眩耀素暉而轉媚
清玩掇于冰箸妙才騁于風絮斯則蘭閨之勝韻綺牖
之逸致也至如遠道之人將歸之旅飄然曠野奔乎荒
郊馬陷沒兮莫前車摧折兮莫舉彷徨乎迷途吁嗟乎
蒼霧迷目而疑試足而誤村漫漫其無烟山紛紛其欲
暮哀載途兮莫知念好我兮無侶言旋之期爲爾而阻
若夫垂緡斷岸刺榜荒濱亂飛寒笠輕集長綸烟光慘

淡岸勢嶙峋長江無聲流漸將就堅水痕黏素花綴袖
薄暮得魚歡然命酒婦子酣歌舉觴自壽舟中晃然清
宵如晝此亦漁家之樂不爲爾咎也又若梅花新路楊
柳殘堤手擁斧斤言將樵之越空山而度响振長冰之
離離高摧琳瑯遠掇瑤琪蕭條孤往扶疎獨歸亦足破
岑寂乎此境殺風景于此時然而荒景雖佳幽情未適
于是巖處之奇風雅之伯披鶴氅于風中策蹇驢于溪
側攀梅而三白散冠浩歌而六英攢額流連瀟水之橋
徘徊襄陽之宅披松風以邀賓煮明月而待客清賞適
乎其殊風味于茲而極然而盡爾之致矣未悉爾之功

也爰有麗眉溪叟皓首山翁訝風之異指雲之同此歌
田公彼祝靈霑課晴暈雨卽始計終豫慶盈尺之瑞奢
願十年之豐笑兮嚇嚇樂也融融佑斯民之稽事亮我
皇之天工至矣盡矣唯爾之庸乃系之以歌曰

海水立兮枯桑黃塵動兮晦明

叶芒

玉龍戰兮虬張振鱗

甲兮飄揚馳虛空兮競舞昏三光兮不度局九闔兮閉
之橫霧霧兮交下

叶戶

溥原田兮或或又將益兮厥霖阜

公私兮沾足施萬家兮孔渥

叶屋

惠我人兮嘉穀誰其三

者滕六

雲林三十六峯賦

有序

蓋聞名山載莫昔傳禹貢之書巨鎮攸分紀在職方之
掌出風雲以興雷雨聚媪后之蕃蔽虧日月而薄星辰
鍾扶輿之清淑北幹自斲岐以下南條由岷嶽而分派
別千名事關羣望潏豫章之磅礴測昭武之高深勢秀
東晨光昭南土地由人著爭尋白馬之名山以仙靈不
改青雲之色宜輶軒之使按版而采風鉛槧之儒抽毫
而志實也雖不能文漫爲之賦

粵維天作實重高山相乃地靈允猶喬嶽窮寓內之殊
尤馳域中之卓犖土圭所不及求亥步所不能度其高
也絕溟濔而出鴻濛其廣也因典墳而窮邱索莫不樅

鬼嶺岷嶽崎歷落包兩大之精華帶九紘之經絡爾其
朱陵奮迅大庾逶迤萬峰北走實曰吳西雨眺厭原快
珠簾之暮捲晴瞻匡阜鷲雲海之朝移祝麻姑以擲米
啟玉筍而捲衣誠集真而萃靈要未若吾撫之尤奇右
據巴山左攬靈谷精華鬱積陰陽孕育虎頭迎節水環
二峽之珠羊角傳書波漾千金之粟香飄仙桂風也遙
遙影落夢川月兮穆穆桃花凝露而晨粧芙蓉出水而
新浴爭奇競秀森巖挺矗書之不暇以罄簡數之則請
留更僕其東南諸峰林壑尤美有雲林焉勢則三三峰
維六六懷文抱質洩金藏玉豈人之故炫其奇抑天之

生是使獨夫雲爲龍氣林應虎風出也無心意超乎卷
舒之表動而不靜色在于有無之中名共縹緲寫此崇
隆匪雲匪林莫之與同雲耶林耶靡得而窮于是遵琵琶之嶺登上雲之峰以臨乎無際而指彼空濛壯二社
之英氣仰三老之高蹤奇石飛騰人驚玉馬荒潭寂歷
誰祀金龍發蒼涼于壯志收憑弔于閒胸峻山橫據象
麓遙屬徘徊理學之流風髣髴儒先之遺躅緊此山之
離奇實媿高乎三陸天風環珮顛氣飛鸞日暮笙簫仙
音靈鷲梵鐘初動則響應四山佛火時紅則夜明千谷
畧二氏之區區亦足以騁懷而遊目至夫千尋美幹連

抱良材作高明之麗爲梁棟之魁闢葉舞風振蕭森于
絕巘危柯負日老剝蝕于驚雷待匠石之一顧塊獨立
乎塵埃若乃丹砂空青葭苓芝朮飛英炳乎遊光靈氣
晃其出沒受之于天發之于物仙藥盈巒而不取誰誇
碧海之苗奇香委谷而不收詎數磨洲之醜比玉屑之
元功陋金莖之幻術咸有神于斯人非徒依稀而恍惚
又若神霏于繁夕照叢朱矜林巒之異逞嚴壑之殊觸
地芳馨寄所思于南國連雲煜耀爭絕勝于西都詩老
遊焉而不于騷人過之而踟躕妙墨淵雲莫寫羣芳之
譜通神范董難畫半角之圖此雖世所驚絕實則山所

羸餘也亂曰

陟彼山兮裁裁何厥美之孔多去蘊積兮孕藏姿奢取
而莫苛汲登封兮玉簡繫七十有二家寧此山之無聞
抑負奇而莫何嗟顯晦兮有時發周爰于皇華搽故質
兮蒼茫撫立石而摩挲豈登高兮能作惟矢音以遂歌

橘賦

偉異果之的饒挺寒威而璀璨體天象之上圓實璇樞
之下散槩飴動兮冰澌質玉色兮金爛蓬萊有合歡之
靈芳香有連理之玩奕仙之隱旣奇元素之術亦幻屈
平取以賦愁晏子因而諷諫種

以泥山見珍東裔以建春興歎宜都之國若雲枝江之
隄如霰或如升而平抵乃擬拳而雙薦荆南三十而咨
嗟平西十二而貢獻曾置交趾之官爰立洞庭之埤鬻
之成市凌彭澤之墟種之成鄉麗瀟湘之苑至如巫山
之宋建安之虛條楊之白蘋廓之胡毓根既別孕質斯
殊乃有丹陽守江陵估命園丁戒場夫具鏡鑄鐵墳壚
植以正列間以中虛遠連洲渚橫亘征禽蔭以夕露糞
以膏蘇搯其外刺長其新耐樹之不憚于十年撫之不
倦于斯須逮夫清風戒寒嚴霜旣落垂流蘇于枝頭競
青黃于屋角焜燿隱映璫瓏交錯人烟矜寒而不開曉

日重明而相燦實未經乎朱鳥葉初攢于檐鵲于是剗
以并剪承以齊紕登之楮几薦之金盤風味滿座而欲
醉香霧噴人而不寒斯亦足以含鵠殼而跨朱欒矣若
夫將母如陸續愛君如三閭玉蟾隱之而成記彥直譜
之而志奇斯固忠孝所不廢而學問所不遺卽小觀大
因鉅于微尙錫貢之

天朝毋使其變本于江北之涓

岳節母壽頌

康熙五十有四年余奉

命典武會試榜旣放寧夏士岳咨來謁氣醇度文執禮甚恭

八年于茲敬益加叩其所從學則母夫人之教也咨之言曰吾母姓王氏湖廣夷陵人外大父諸生諱錫民因亂轉徙客代幕先大父諱洪駿以武進士官其地聞家母賢爲先父聘焉母年十六來歸生咨四齡先父見背母年甫二十一矢志不他適事先大父母益嚴先父諱景勝本生大父諱洪時領于子武鄉薦于先大父爲仲弟大父艱于子撫先大父爲嗣晚乃得一子時本生大母趙已逝繼大母葉生叔父崇泰亦逝又繼賈在堂意家母從宦久或有筐筭蓄不知其蕭然也令率咨歸因欲辱母志母之死不爲動陵迫備至霜朝雨夜抱持孤

兒聲泣咽絕大父晚所得子殤復命咨在後母乃得少
安家母明大義雖甚愛咨督課特嚴以家世業武令習
韜鈴騎射倖舉鄉試第一母未嘗色喜旣成進士備宿
衛益飭勤所事謂能忠卽孝母念我我率汝婦課耕薄
田足以自給也故咨自通籍日夜念母衣粗食淡殊苦
然莫敢乞養今歲六月朔母年躋六十願公有述以燭
幽黯余聞而太息作而肅然以敬也惟昔令妻壽母陳
于魯頌况母大節凜凜若此可無聲詩以彰盛德激揚
風化揆之古義其謂斯何乃爲頌曰

昔秦之風小戎板屋厭厭良人念茲心曲矧乃所天閔

凶風喪不有德貞孰光前
蕤淑哉邦媛自彼儒門翠山
萬壑正氣實存載結其禱載
鬻其雛胡爲我特先露忽
徂鸞孤曷舞鶴怨安宅以是
藐諸之死靡愿不諒伊何
刈蘭摧松蘭幽彌芳松寒益
貞流離奔迸遭家之難何
去何從大節蹇蹇歲逾三紀
身丁百罹厥孤有立若弓
以箕觀國之光用賓于帝一
鶚秋橫庶烏疾厲載雋南
宮載衛

禁中勛茲不懈日匪爾躬悠悠飛光以日
乘子十二倏周
霜落水逝天根既見貞志旣彰有爛者
悅維相之光布
于朝士咨嗟仰德有辭有歌以宣良則
如山如河章服

雜宜

王綸之錫以褒以嘉黃河之陽賀蘭有岵母德若爲儷茲嶻

嶻

穆堂別稿卷之二

臨川 李紱 巨來

詩一

後南浮草上四十五首

五雜俎六首時奉

命祭告禹陵

五雜俎宦遊人往復還車馬塵不獲已報

主身

五雜俎交龍旗往復還賦載馳不獲已周爰咨

五雜俎田間渠往復還水中魚不獲已情相於

五雜俎朝暮霞往復還奔金鷄不獲已兩鬢華
五雜俎袞黼裳往復還蘇與杭不獲已思故鄉
五雜俎遊子衣往復還離慈幃不獲已于旋蹄

白溝河汎舟

簡書使吳越湖江多于山豈知冀北野乃有汎舟閒長流旣
活活高隴猶潺潺白溝宋金界戰爭經凋殘

聖朝一土宇大地瀕海寰地平天旣成奏庶鮮食艱今春忽
恆暘二麥生意孱昨來三日霖欣喜回

天顏稷梁各已種雨意猶未闕乍止更復作周七八月間溝
澮皆已盈行潦何汎瀾欲使秋稼茂併有春所慳行役

豈不勞猶恐斯民瘳但令

京畿豐泥塗何足歎

阜城阻雨

使車風揭鄴州路逝言歸向山中去豈知留滯二十載
猶賦皇華叱徒御泥深沒鞞水濡軌不獨風狂雨更怒
帝心閔雨踰三時霖雨一降不肯住淒淒祁祁已浹日救旱
雖仁潦亦懼河間舊是九河尾河北眾川同委注雨多
川溢輸莫馮海潮逆捲更相拒既耕既播須有秋

九重日爲斯民慮古來稼穡陳艱難康功首賴田功助暑雨
邠寒各怨咨始信蒼天亦難副載塗雨雪使臣職僕夫

况齊遑憂怖古我夏后明德遠溝洫勤劬夙所慕雙旌
南指會稽山願降神威作神祐使者言輕不足聽

帝簡精誠神所據陰雲迅捲陽鳥出秧針不沒疆陲露黍苗
芄芄觀厥成來歸更作豐年賦他時得請錄歸田誇示
田夫尋舊句

漫河道中喜晴

阜城風雨昨淒淒盼望靈望會稽此地疏河皆舊蹟
茲辰仰水見新畦蒼蒼天色雲初散艷艷波光日未西
更喜農夫誇大有不煩私祝藉豚蹄

至景州夜復雨枕上作

積雨望晴明天日已宣朗寧知夜復作檐溜無停響冷
郭雞鳴遲譙鼓寂不撈翻疑夏夜長且昧不肯爽愛心
自耿耿賸耗發遐想仰視土屋危墻壁立朽壤匪惟壓
不弔將

命前王享祝文載

絲綸孰敢委草莽默思畫所見黍稷須培養霖霖苟不止水
溢將安放區區行役勞未足困吾黨我官如剪楊厄閭
縮不長遂令載

簡書亦復賴輶軼尙難聞魯柝那得泛吳榜昌黎望衡山雲
開神所獎陰晴究無定行止安可強賢牧富篇章投贈

禾生只道 卷之二 三
不給賞因之託微咏煩憂聊自頌古來行路難風雅寄
勞攘

沂州道中書所見

兼晴陰雨困雙旌到得沂州日日晴聞道高田盡龜坼
農人太息未曾耕

瓜州渡江次歐陽公初出真州泛大江韻

江聲浩浩渺無窮鐵甕金沙在眼中峭壁千尋終顧北
驚波萬折必朝東去乘越水迎涼葛歸占吳霜欲冷楓
自是季應能適志尊鱸安得趁秋風

泊舟姑蘇次荆公韻

城墻鬱荒鷲冉冉滅瀆西舉若憶長洲夜火明復低豈
憚宵濟勤役夫候雞啼

王程信孔亟六月樓棲

至嘉興喜晤曹介巖叅議

鴛湖爭利涉煙雨故濛濛親串經年別樽曷此夕同皇
華吾屢困聰馬子猶雄塘海監司任茲行頌禹功

渡錢塘江用楊龜山先生韻

晴波滄淼連天白十舫牽江千汰擊電旗照水曳豐隆
雷鼓殷崖盤霹靂蘭橈下上如桔槔蕩搖百斛輕鴻毛
海門相望三十里怒波不敢飄危艘此間風定江若鏡

舟人矯捷欺猿猴須與沔濟抵江岸東觀海口猶銀濤
龜山赭山屹相向驚疑神蟹張雙螯

祭告夏禹王陵廟禮成用唐徐季海謁禹廟韻

昔聞夏王勤隨刊行九州司空熙帝載亮采以惠疇夫
豈不憚煩人鞠宜人謀天下有溺者獨引爲己愛地平
天旣成滄海無橫流征苗舞干羽豈必矜戈矛武衛旣
已奮文教旋已修語道唐虞協銘功霄壤留上釋懷山
誓東酒羽淵羞信知神聖業乃徵允塞猷會計集羣后
乘化歸冥幽遙想玉帛會萬國趨共球偉烈不可繼鴻
休難與傳遐哉厥功告永念其咨愁

御香薦原廟鬱鬯來芳洲飲食泉獨菲衣冠月出遊伊子載
簡書一再爲南浮宵燦耀山谷晨星瞻斗牛禮成東方明碑
碣重尋搜

歸舟過蘭亭用虞文靖公蘭亭圖韻

晉衰八王競亂政由多門五馬浮渡江天下何紛紛蘭
山旣岷岬蘭渚尤滌沔盤谷爲危亭佳名緣右軍修禊
有遺俗流觴來亭前感化難爲懷卽事猶可欣今昔易
遷變俯仰如朝昏當時放曠流安足圖吾君習俗賢者
移謝公亦清言作序戒齊物千載垂茲文憑弔竟安仰
空山橫暮雲

越溪舟中用曾青藜先生韻

平生夢越曹江渡老始來遊聿云暮如當大嚼慰調飢
萬壑千巖所見微何當信宿山陰道邱壑從容問妍好
比似家山十八灣坐看煙霞不肯還

訪陽明洞不及往遊用陽明子始得東巖遂改爲陽

明小洞天韻二首

越山固不惡智者烏庸鑿飛流晨放簾生烟夕垂幕天
巧覷已微天繫解可樂悠哉魚鳥親莞爾樵蘇約橫分
彼我觀天機亦已薄

約字韻原詩作晤因晤字非本韻古韻亦不通故改

洞天三十六乃出道家言命名曷有取毋乃通衢樽淺

深各有適温涼隨寒暄惟有良知性炯然千古存陰晴
中獨明霜雪恒餘温先生不可作此理誰與論

東坡有去杭十五年復遊西湖詩余自庚子典浙江
試迨今十八年矣復至湖上遂次其韻

舊遊如夢憶禽魚重見湖山締造餘

神聖萬年留帝極光芒四照總天書

奎章已並山河永

華道重尋歲月疎慙媿皇華頻奉使

三朝恩遇負居諸

殺以省觀心急趨成

卽行張方伯若葦謂西

往叩謁用維舟不發次早趨

卽而後解維故詩中特敘之

望鍾山次荆公韻

江聲如龍吟，鳴咽夏清瑟。鍾山勢蜿蜒，疑是飛龍出。

祭告明孝陵禮成恭紀

勝朝三恪備禋祀

九重尊香帛來

金闕光華溢寢園配

天功德遠禘

廟孝思存奕世，從周禮相因。記魯論省牲文，鄭重薦牲氣。網緼顯相誠，雍肅齋郎各駿奔。視燎依壁陛，廢徹過松門。緬想前王烈，猶聞舊史言。有明惟日御，至正值重昏。四海

多災異羣雄互併吞真人起江左神武定中原五德乘
除運千秋享祀敦

國家恩禮重松柏滿陵垣

望三山

三山見復隱螺髻露微茫信是青天外煙雲接大荒

鯉魚套守風次已亥燕支夾阻風韻

套在荻港上十里

停舟閒看魚鷹獵在渚滌洄大江夾微風不動雲不興
轉怪澄滄波可狎繁昌諸山青鬼清秋千里烟霏開
江山臨眺豈不樂

簡書程急如風雷十年歸夢思鄉里宦海風波相伏倚信知

天繫不可解無田不歸如江水流光儵歎十二支鬢須
白盡風塵姿平生三已還四仕嶽嘲隴笑猿鶴疑板輿
南北經遊遍老耄驚心雲際電

九重恩許急覲省風不助子空悵戀朝陽紅到夕陽紅秋陰
翻作春光融世間順逆聽造化天地爲爐人爲銅

詩成北風微動同兒子孝泳孝洋各次前韻

詩情已比程公獮詩城不復窺堂夾性情哀樂久相忘
却怪江神戲相狎胸中五嶽原峩鬼偶然感觸巖崖開
舟行濡滯託吟咏已無健筆奔雲雷長江一瀉足千里
逆溯艱難空徙倚青洪君颯那可得馬當直送章江水

縱橫翠蓋連金支吾聞水族多奇姿惟神聰明尤正直
重文輕行吾所疑東西南北風回遍雙旌飄忽如飛電
鯉魚套裏鯉魚風荻港蘆洲何足戀船頭深夜蠟燈紅
詩成已覺東風融三更月出解維去臥聽船鼓催籠銅
丁巳大寒前六日不寐偶成

冬至微陽復天心眾所知震來何虩虩雨久共祁祁生
物功誠亟行春令未宜端居憂燮理恐懼棘人私

傅君安流在過小園賦示長句二章漫次原韻

老去流光東逝波卅年塵網恨尤多不成負土晨昏守

小園故許初擬爲太夫人營墓地故
構小亭爲守塚計尋以地濕改卜

忍更爲廬伏臘過

舊雨笠車從款款故山竹樹漫栽栽退居廢業篇章絕
聊和風人陟屺歌

使節皇華急載馳令兄留滯未經時豪追壇坫當年會
老定文章後世知春樹夢雲猶有夢高山流水竟無期
祇應丹旆歸來早蕉荔親醜酒一卮

原倡次章琦及令
兄聖涯京中之詩

七夕望京邸歸人不至

聞道經年別靈辰戒渡河人間愁道路天上少風波烏
鵲鳴何意青鸞信未過東西飛不定空怨伯勞歌

喜京邸人至

吉語與哀情由來難與雙何人誇畫錦縞素復家邦

七弟五十初度賦詩志感次韻祝之

百年三萬六千回
哀樂中年長自推
子能知非志誠篤
我緣忍事心先灰
健喜半百省家杖
喪未三年疎酒杯
服官政自儒者業
出山未可長徘徊

園花感懷和六弟四絕句

長嗟生我我何辰
兩歲春花過眼新
不信忘憂是諛草
北堂無地見慈親

傷心大隄賦融融
花發天工總未工
自是棘人心眼異
不知身在百花中

宦海年年悵倚閭
安得奉親與春花
瞥眼風中過

始信閒居勝索居

京華殘夢故園思
驚折花枝供總帷
萬紫千紅成底用
春暉寸草更何時

吳處士同人奉陪太守劉公登擬峴臺賦詩見示漫

次其韻

羊城風景數荒臺
賢牧登臨勝友陪
天際帆檣猶雁鴛
墻陰斧屋盡莓苔
南豐舊記高難續
峴首沉碑鬱未開
功業從知能不朽
輕裘緩帶喜重來

春寒苦雨和七弟韻

珠桂山城急謀生
計本疎霖猶疑傅
野樹亦愛陶廬閒

草青園座飛花濕點書簞馭吾自樂問左盞藏虛

郡城雜詩二首

閉戶寂無覩從容登小樓五峯猶蜿蜒畫堂餘古邱參
差林間間炊煙當夕浮

小園十畝餘前後皆平山草樹出復沒高低相迴環山
林不在遠烏知城市間

中和日七弟過石芝園夜坐對雨有作次韻答之

昭明昔論文暮春駁天朗信知春雨多車馬困來往鄉
城南北阻同懷恒惘惘戒塗七十餘旦暮安得訪我昨
元夜歸旋返意殊強楚然聞足音情話喜續講觀頤謀

身心者老春所養園林足花木聽睹亦稍廣高談遂至
夕嘉言互激獎乍聞時雨降景物助幽賞兩蘇對牀約
臥聽風雨響安知後視今千載共遙想

七弟出示見懷詩二首依韻奉答

子舍人依舊官城歲又新銀花先盼夕玉樹早迎春許
國三投扃遭家屢集辛唯應老昆弟相望一霑巾

元夕千家月新炊百里烟日華來不極風木自相憐白
髮春還短青燈夜更然相期明德重花萼盛年年

和七弟對雪韻

誰將朔雪到炎州萬里銀光怯倚樓
船鶴盡隨仙馭渺

白雲還並太空浮，相看縞素心同折。
一望蒼茫淚暗流。
莫向朝陽歌薤露，凝華連曙總難留。

和姪子孝清迎春韻

兩年門第悵淒清，再見春來意總輕。
閃閃旗旛朝自擁，喧喧鼓角晚猶鳴。
刺芒未省迎芒釋，鞭土空思負土成。
幾日屠蘇陳歲薦，一樽最後更誰傾。

和七弟元旦韻

驟聞竹爆更新歲，未有桃符換舊門。
寒雨驚心天外遠，春雲過眼望中昏。
履端無計售長夜，潛穎多生怨早春。
誰信椒花能獻壽，八荒上下渺無垠。

穆堂別稿卷之三

臨川李叔巨來

詩二

後南浮草下

石芝和吳同人韻

有序

園爲石臺先生別業有石形似芝因以名園比歸
余未久沒入于官今蒙 恩給還而石芝已失不
稱園名得一舊石似芝因以名之吳山人同人紀
以詩因次共韻

吾家平泉莊奇石躬海嶠林木相蔽虧雲日互映照夫

豈權力驅嗜好有感名平生薄玩好儉樸與心肖石何
必似芝盤鬱開靈敷尋常木石間足以觀衆妙所念昔
賢蹟摩撫寄憑弔偶然一石歸彷彿頗同調虎賁似中
郎便可共吟嘯人生風中蓬棲止不可料聊免觚觚不觚
此石爲之兆有客懷今昔高咏發悲歎相和遂成篇石
亦增榮耀何必擬珪璋特達登

廊廟

硯山別墅

石芝園內

南唐後主得奇石目以硯山徑踰尺前聳二十六峰巒
不假人工更雕飾月巖宛宛漏虛白玉筍亭亭挺高碧

谿谷洞壑相竄窈時有微瀾瀉涓滴勺水經旬潤不枯
點墨填辭寫歡戚偶然攢石爲硯山人巧欲與天工敵
再成三成氣磅礴一曲一折亂登陟石凹無數泄朝露
硃墨丹黃散經籍姑蘇殿撰榜堂額
硯山別墅四字爲
王寶傳世採所署
筆鋒秀健亦佳蹟我來撫石發孤想異物從來帝所惜
當年武惠下江南寶石飄零去安適洞庭山石數千里
轉致車船百金直茶華滿眼還幾時宅是人非空歎息
我本無心結邱壑馮拙偶然居鵲宅心源已涸目光短
老矣著書非所力從渠有硯大如山一卷困夢華胥國
寶樹堂用歐陽公養素堂韻堂舊名玉樹軒有玉蘭

樹高數丈今惟有寶珠紅茶高亦出簷故改今名
玉樹新更寶樹名蟠根奕葉共家聲庭階秀肯慙諸謝
槐棘森猶望列卿霞氣千重朝最麗珠光四照夜長明
珊瑚網得澳池樹管領春風歲歲榮

五桂軒疊用養素堂韻

燕山五桂舊知名教子當年獨擅聲詩禮先君推伯仲
文章羣季動公卿秋風翠葉通身勁曉日丹英照眼明
却憶建旌臨桂海蒼蒼幕府八株榮

鑑塘用南豐先生盆池韻

觀物澄懷不厭深方塘半泓獨窺尋影憐孤月徘徊映

明畏浮萍次第侵肯比溫犀窮水族莫持秦鏡照人心
平生宦海風波惡得謝朝冠怕更簪

回塘仍用盆池韻

池正方中有方臺類回字故名

渚水環看面面深新蒲細柳渺難尋
枯槎聊作明河渡底柱能支濁浪侵
瀛海自周天四際伊人宛在水中心
憂居忘却流觴節未許賓朋快盞簪

西樓次荆公揖仙閣韻

小樓東壁近三面闌胸扉夕照紅
全到深春綠四圍
瞻雲競出下視烏橫飛何必求仙侶
惟憐歲晏歸

謙亭疊用西樓韻

亭在回塘中

四窗欣洞達，敢置拒人扉。
用晦天光發，臨深水氣圍。
虛中能直受，雌守讓雄飛。
謙德爰全吉，名亭衆善歸。

望靈谷次王衛尉韻

臨汝山川古，滄桑歲月新。
良材無昔產，靈氣在斯人。
濯餘三歎悠悠闕，幾塵躊躇名世運。
邱壑寄閒身。

再次劉迂靈谷韻

小艇看山縱復橫，倚天十二幅危屏。
漫乘在渚透迤棹，看盡層峰屈曲青。
荆國文章齊嶽岌，象山道德入元冥。
外家秀氣延陵在，人傑遠堪朔地靈。

靈谷吳氏爲王陸外家

過疎山寺懷陸子

昔聞象山翁肄業疎山寺兄弟自師友斯文靳不墜胡
夕惟魯論博覽非所貴後來鹿洞遊登堂說義利豈惟
先生汗已令諸生涕紫陽亦虛懷鐫石親題識殷勤率
吾黨入德方不昧皇哉孔孟傳後死信無媿茲山屬舊
遊遺跡林泉寄夏日重徘徊修竹相虧蔽漠然惟荒山
芄宮空復歸躬行苟不實彼教亦陵替遙想天地心儲
精育名世雲林廿六峯磅礴青田地坡陁直至此環抱
氣融會人生自立難造物亦匪易我家臨汝間百里同
鄉遂相距固不遠景仰使心瘁

君恩厚未報纓組困天繫古來三極任豪傑先立志日暮途

方遙安得造斯詣解維更顧瞻太息臨風喟

良安峽次揭文文公韻

白燕呢喃峽裏啼平飛爭逐浪花低兩邊山合水疑盡
百丈舟牽篙不齊乘險王尊嘗叱馭食貧孺仲每思妻
此行已媿家園適猶勝長安聽曉雞

宿石門次曾文定公韻

驟雨迎舟作晚涼溯洄轉覺峽山長南風忽競聲吹律
北斗回看首戴篋建武軍分天鎖鑰汝川源濬地清蒼
平生肯放晨門誚旅食黃梁夢未香

金家渡哀競渡

江西楚尾舊三戶萍實包茅多楚故汨羅一水通萍鄉
屈子忠魂尤所慕當年心惻王不明去從彭咸終不悟
蛟龍爭食魚鼈愁哀弔千年寄競渡汝水北流灣作滙
估舟所集頗蕃富年來物力就衰絀故事喧喧猶勝聚
紅旗閃閃二十舟伐鼓鳴金馳若鶩奪標一棹千人呼
馮夷駭躍天吳怒東岸江樓數里長士女歡呼笑相助
粵稽戴記甬不弔望古可懷今可思人生一去逝不還
未必靈均神我據棘人心目易悲哀放舟直下不旋顧
陰風颯颯陰雨繁漫作長歌記行路

香柵峯春眺

淑氣三陽麗

清時五位尊，輕雲含霽景。澹日養春溫，嶺識蕭家近。鐘餘
寶應存，詞曠方競爽。講席許同論，拾級先登岸。升堂併
在門，降龍因木上。渴驥向泉奔，出入文章府。從容禮義
藩，况饒雙閣迴。一覽萬山蹲，桃李生成意。松篁雨露恩，
太平真有象。造化總無言。

志書局芙蓉盛放局中諸君子賦八詩見示依韻和
之

忽忽憂居忘歲月，淫霖黯黹秋風發。重陽已過菊花黃，
猶有芙蓉開未歇。深源不起慚虛名，兀坐書空時咄咄。

廢圃荒寒下帷坐周道踟躕畏車揭鵬當六月自知息
璞經三獻猶疑別蓉開那復對芳顏菊老惟應支傲骨
次溪老友因秋駕華髮相看意弁矣萸舉木未拒霜花
留取孤心矜晚節

右和周子玉上作

傳巖猶憶當年夢季下全無近日蹊花植校書能共賞
酒緣問字復誰攜錦官紅樹誇前蜀城王青蘇蕤故溪
惟有重陽舊風雨滿天飄灑更催題

自分圓身老竹溪芳樽兩載斷玻璃飄風華已驚前夢
陰雨途方悵昔迷臨汝桐林聊共隱曾王花萼渺難齊

志書繙遍思先哲心在紅泉碧澗西

校書天祿詫然藜退食東華日每低垂老著書應反魯
從來鼓瑟不求齊空聞丁度遊仙夢漫和劉郎咏物題
惆悵卅年人海幻千官

闕下聽朝雞

右和傅子亞庚作

秋老鯉魚風每逐秋花起秋花晚更紅春芳謝桃李吾
憂閉荒園書局欣在邇頗聞花艷艷况值風已已諸君
著述餘賞心聊寄此楊子寂寞人履泰宜傾否要看長
安老姑試南溟徙詩成渺眾慮寸心托千里

右和楊子丙在作

史材同詡宋經筵疑邊書志千秋業時當九月天照
人花似錦留客酒如泉莫怨重陽雨花憐雨後鮮

志草羣矜博秋風獨闕妍苦心窮載籍餘事託吟箋黯
黯寒雲積蕭蕭夜雨懸五峯留勝韻應得紀新篇

愁霖誰復唱雙樹照亭前葉重飄得顛花含濕更圓翠
華標晚節紅影出朝烟伯玉佳吟在飛觴合共傳

右和陳子大川作

清風閣和荆公韻

睥睨朝暎出女牆昔年登眺俯羣方墨池龍擬水心見

桐嶺鳳來天際翔雲氣千林呈曉霽風聲四面作春涼
何當重理前賢蹟憑檻低徊酌一觴

贈康倅

嘉靖多才士對山稱最賢華宗起東海別駕到臨川
玉立清秋鶴珠選合浦淵燕臺求驥切千里看騰鸞

寒食還家夜雨同雨弟限韻

昨歲禪方闕春風食又寒流光飛不定憂思渺無端
松柏培邱壘雞豚肅鼎盤先心還夙駕秉燭夜相看

風雨中宵急連枝意未寒鄉心先壘畔旅思暮雲端
食合衷多曲歸休谷有盤清明感坡老二雪幾回看

壽劉郡侯

建國明倫重君民教學先

熙朝崇化理良牧奇審宣郡迺臨川古官逢太守賢遂開
興魯宅上接武城傳王講才誠薄敷文志尙虔三春殊
草草多士已翩翩崧嶽揆皇覽南山祝大年潁川期入
相汝水記喬遷惟借青藜照千秋教澤綿

題凌觀察勸農圖

有周農事開國爲本圖迨漢文景農民省憂恒勤劬後
來此意寂寞識濶迂惟我

世宗皇帝下詔舉古法卓然千五百年之所無君能實力奉行

誠意相感乎耕夫餉婦紛載塗舉欣欣然爭欲瞻旌旗
倚與盛事良可摹爲君大書特書不一書

又題西山禱雨圖

直省兼山水西江地頗佳豐凶恒半得旱潦未全乖
雨剛踰節爲霖已厯懷精誠能感格豈用藉洪厓

豫章數山鎮圖識厥原尊一雨出光怪千峯暗子孫
蕭霑羽蓋莽莽向柴門却憶偕公法歡歌放獄恩

和二陸先生鷺湖韻

典魯書院會課題

辟雍鐘鼓正欽欽良牧興賢共此心古道重開千載業
書堂特創五峯岑江源觴濫猶能溯峴首碑存豈用沉

雲漢天章應不朽，後來視昔猶今。

青雲峯用黎教授公穎韻

瑤湖晴色湧諸峯，東望英靈氣未窮。

英巨靈谷二山名

典故臨

苗殷舊學文章荆國楚，雄風山川百里開名世。箕尾千秋燭太空，今日瞻顏望多士。青雲直上碧霄中。

章江夜泊同巨州巨山用王子安滕王閣韻二首

西山雲氣昏江渚，落霞飛盡江豚舞。針水初憐新稻晴，催詩更作黃梅雨。百年身世良悠悠，宦海風波數十秋。舍舟欲盡聯牀約，共向山中學枕流。

東歸已媿鴻遵渚，敢賦簡兮輕萬舞。黯黯多愁四月天。

淋漓一夢三年雨白雲親舍空悠悠百年華屋誰千秋
垂老奈何去邱墓維舟不忍乘洪流

章門舟中夜雨與六弟七弟限韻得二首

舊恨已輸雲望舍新愁又困雨連江兩行別淚長瞻壘
萬點鄉心夜滴胸海上五山驚失二此間孤鷺未能雙
還

朝勾當公家事豈有雄心尙未降

連宵急雨催滕閣萬里洪波舞帝江青暗垂楊迷驛路
紅搖斜燭透蓬牖弱桐歸冠諸侯百季布行聯國士雙
聊復分題作清戲敢矜時彥總心降

庚申首夏舟過南康董守邀遊白鹿洞中途值雨過
返用六弟遊開先寺韻

平生學道心垂老志彌厲往讀義利訓慙然爲心醉風
塵卅載餘外物苦相蔽剛彊立主宰媿阿恥婦寺志英
雖未能祛惑頗已遂烏知年歲老庶幾日月至賢關啟
未達宦途行屢蹶所慙涵養疎未要商量遠

使省歸省遲奄忽三年奔馳驅謝衰懦著述失昏翳擬從
方外遊豈有熱中沸靡及懷

簡書凜凜皇華意兩弟乃偕行飛鳴鶴鶴題匡廬與彭蠡合
併山水麗前賢過化區書院猶古制欣逢守令賢同往

親講義車服與禮器一一細周睇豈知風雨作中途一
何駛遙望五老峯雲氣塞天地儼從各霑濡踉蹌雜賤
貴水湧波濤白山壓松筠翠公等且復休吾亦從此逝
城闈取眾粲綵鷁寄孤憩雲散日光出咄咄書怪事辛
勤朱陸辨彷彿聖智鑿炯炯一寸心遙遙千載世道誠
有汚隆運亦迭興廢微尙守獨秉疑信隨所值滔滔彭
蠡流嶽嶽匡廬峙行止安可測俯仰發深唱先聖有司
揆匹夫難得志咄咄吾不知一往快所契

雨後過白鹿書院仍用前韻

勝遊若志道小挫乃益厲矧茲講學區德飽酒可醉無

端作風雨雲起山虧蔽嵯峨滅仙嶺奧窅失僧寺躊躇
嚮在懷中阻莫能遂殷勤守令賢勸駕再三至天陰蓋
可往泥乾輿不蹶胡不凌孱顏因以窮幽遂顧余初志
猛未畏衰齡瘁快馳宛風御清眺謝雲翳瞻岩眾石奔
趙澗孤泉沸魚泳適所樂鳥鳴對以意谷口望華表危
石構棖題曲溪怪重阻連橋勢相麗宮牆雖黯黹像設
儼前制聖人及四配
十哲俱塑像亭臺誌道德碑碣寫仁義徘徊極
搜討高下徧瞻睇修創幾何年往事比雲駛瓦石日墜
剝荒涼名教地毋乃紛華勝奪此性天貴空餘夾道松
枝葉未改翠遙遙朱陸賢太息斯人逝太守前致辭絃

誦今小憩將以脯膳養大舉墜莢事九仞不及泉鑿彼
鑿井譬庶幾殿陛固巍煥可百世信如侯所云茲堂永
不廢從來不朽業地與人相值下令若水流立功等山
峙會有曾哲狂一發夫子喟堯舜與人同所難惟立志
用紀一日遊仰託千載契

登燕子磯和六弟巨州韻二首

宦海平生不繫舟孤帆日暮未能收到來獨立思前事
且讓同遊踞上頭白下金湯飛可度烏衣歲月去如流
眼中便欲成今古浩浩天風過十洲

大江如帶遠溶溶鍾阜盤紆果似龍巖壁峭疑雙劍削

石門隘許一丸封亭臨山頂天光濶潮夾沙汀海氣重
莫漫興亡論形勝金焦北固數諸峯

舟行得風併忘煩暑欣然有作

溽暑逡巡畏假裝舟行快值夏風長生無宦海飲冰熱
消得人間作雨涼五月披裘終踽踽卅年初服尙茫茫
國恩未報家何在魏闕江湖志總荒

六月八日渡黃河泊楊家莊下

聞說河流急樓船挾兩船載錨牽怒浪分翼駕驚潮失
笑悠悠論閒心泛泛飄太和逢

盛世沴氣已全消

汝流新漲壞壩舟行損舵念自昔治河築壩利弊敷
陳端末以備採風

元人昔開會通河南淮北衛一線過汶水中間雨分濟
槎枒牯壩何其多牯版蓄水值枯竭草壩之說無乃訛
妄云壩亦能束水散流聚流理則那散猶潭緩聚轉急
無版安能留奔波徒使安流變險阻長年三老興哀歌
溯流百丈挽莫上放舟失勢如拋梭檣傾檝倒害人命
天庾玉粒浣泥沙草壩之用獨挑水

聖祖廟算功巍我過流護險有神力指揮猶勝回日戈偏提不
與水勢鬪舟行無事安且和勢有得全不及半理有用

平不若頗此中理勢不復識維舟登眺陵坡隨拉懷故
魯望不極高風汶上今如何流年去若東逝水閒心冷
眼今蹉跎空江獨鶴立晚岸仰看健鷗雲霄摩

座客談杭翰林方鏡詩屬和者衆有多至數十首者
然詢其佳句莫能記也因戲成一首

凜凜神光照膽驚虛堂坐對曉寒生置身自喜廉隅礪
閱世爭傳藻鑑明雲影天光纔半畝方珪圓璧總連城
咸陽火後宮奩散寂寞空餘好古情

程西池文學五十初度

庶常巖心

近識荆山玉遙思韞玉山精英鍾宙合文采照人間高

適詩新富商瞿易未刪青雲還自致重疊紫泥殷

九月八日雨續潘邠老句五首

滿城風雨近重陽宦海重來更渺茫北闕天成嚴虎豹
西山雲氣鬱鸞凰乍添紫芥冬前味稍潤黃花晚節香
况少催租人敗興詩情猶得共飛觴

三徑松筠傲眾芳滿城風雨近重陽路當北轍朱應泣
莊到西城陸又荒直北浮雲難蔽日并州客舍飽經霜
江南公事粗勾當祇有歸心日夜忙

江湖魏闕意難忘日暮途遙事未遑三載星辰瞻北極
滿城風雨近重陽詩篇老去題齋怯經學年來讀禮荒

猶喜相依多子弟明朝奠酒且相將

聞說中年哀樂傷况當老境數年光衰遲日子今難料
孺弱天花古未詳故里田園餘百畝滿城風雨近重陽
家人指數

京華節兒女情牽也復長

京師以重九爲女兒節
余女子女孫正出痘疹

平生勵志惜流光陰雨晴餘素業昌漸怪倦勤先耄至
空餘節候應期忙乘時九九無長策愛日乾乾且自強
一笑荒園閒草木滿城風雨近重陽

送六弟之官應城次孝游韻

天上郎官列宿尊文昌瑞應太微垣儒生出宰能行簡

聖主知人特調煩回憶廿年依梓里乍看百雉壯荆門才齊
潘陸名原重治擬龔黃道所存節操共承家舊法文章
還報

國新恩三年政洽歸

朝早夜雨連牀共細論

門神和孝游韻

軍容如火復如茶文物衣冠翠織裾

禁闥鳴珂嚴侍從外藩持節建旌旗家聲渺渺思當戶歲
事悠悠悵倚閭惟有護門心不改願同寸草異

皇居

方朔金門誇大隱，河陽鎖鑰最威嚴。尋常就日依丹檻，
咫尺瞻天隔矮簷。曾領諸侯分左右，何妨賓客變涼炎。
後來居上年年換，京雒緇塵肯久沾。

孝游復得二首仍次其韻

室中美富杳難尋，且綴朱扉紫與金。纔得似人稱國器，
偏工作宦點朝簪。何知武緯文經事，祇有分門別戶心。
我自崇門文未作，清華黃散豈容參。

從來墨者勢難撻

漢書刑法志墨者使守門

敢薦馮齊卜困亭

周禮

崇門用

馮齊 王弼清言訛大易，陳平弊席走羣英。當門立戟

方憑寵，同列操戈孰抗衡。便是九關雄虎豹，祇應退避

謝簪纓

壽鄒母

慶元令儒母

昔歐陽行周親在以學遊違親更樂學成芳名流遂
登龍虎榜乃與韓李儔慈湖理學傳尤數樂平邠邇來
有賢母教子承箕裘不以恩慈奪成均七年留每歸必
敦促子舍不得休謂言合水公大賢蒙所求作輟廢恒
業何以追前修子勤果膺薦捧檄臨方州版輿歸迎養
風日春和柔異時列循卓羣稱母德優

合水公謂
孫公嘉塗